

Taho Kananu Alkitab - Good Mind Scriptures

Markus 5:15 Mai siazoho zi Ruma Isa, edempara edana dou ma ralu'ukai va roh seta ede, wunga dohona ta ede. Sia nawa'ura kanina kani ra lombo, ro nawa'ura taho fiki ra kanuna. Ndazi siazoho dahu sara'a.

Lukas 8:35 Edempara dou-dou losana va ne'ena eda au ma wa'ura ndazi. Siazoho mai rakana Ruma Isa, ro ta ede siazoho edana dou ma wa'ura hori razi roh-roh seta ede mawunga doho zeni lavo ezi Ruma Isa. Sia wa'ura kanina vaju ro wa'ura taho kananuna. Siazoho nandazi dahu.

Kisah Rasu-Rasu 17:11 Dou-dou zi Berea nancewi taho adena ntewi kaisi lavo dou-dou zi Tesalonika. Kai neo adena siazoho kade'ena haba mavoha Ruma Isa, ro sanikina ainaina siazoho baca katantuna Alkitab zi vadekaina savua ngoa ra tei la Paulus ede napodaku.

Kisah Rasu-Rasu 20:19 Kai kavawa weki ro kai mboto oi mada, nahu karawiku zi ru'u Ruma zi woha susa ra ncoki zi iu va nahu vara nia madavae dou-dou Yahudi.

Roma 7:24-26 Ndakekku ka'ada'an nahu: nahu kato'a zi hukum Yehowah lavo fiki ra kananu nahu, pala kai tabe'a manusia nahu, nahu ka'oko ro vatuku dosa. Nawancuku davaena nahu ake! Couku zimane'e kasalama nahu razi ade sarumbu ake ma wa'a nahu zei made? Syuku zi Ruma Hatalla! Sia nane'e kasalama nahu kai ncai Ruma Isa Al Masih.

Roma 8:6 Nggara fiki ra kananumu kuasakai va tabe'a manusia, ndazi nakamaiku made. Pala nggara fiki ra kananumu kuasakai va Roh Yehowah, ndazina edezu mori ro taho ra ntai lavo Ruma Hatalla.

Roma 8:27 Ndazi Ruma Hatalla, ma vade isi ade manusia, naloa ka'ao zi ne'e va Roh ede; vara Roh ede maraho poda-poda zi Ruma Hatalla ziru'u va ela Ruma Hatalla, ro nancihi ncao kai zi kane'e va Ruma Hatalla.

Roma 11:34 Ade Alkitab ratunti ndake, "Couku ma vadena fiki ra kananu Ruma? Couku ma loana ngoa ra tei kataho Sia?

Roma 12:2 Aina vatumu atora-atora dunia ake. Co'opu Ruma Hatalla kandazina weki nggomi ndazi vou, loakuzu nggomizoho rungkamu weki. Ade ndedekaina nggomizoho maloaku vade zi ne'e va Ruma Hatalla -- edezu au ma taho ro ma kasana wea ade-Na ro ma sampuruna.

Roma 12:16 Mori taho-tahopu savua lavo savua dou. Aina ese ade, pala kancihi ncaopu wekimu lavo dou-dou ma awa ziru'una. Aina wi'imu weki ncewi loamu razi ma sapodakaina.

Roma 14:5 Wara dou ma iu savua ainaina ncewi penti zi ainaina-ainaina ma kalai, dou makalai rau manggahi va one sara'a ainaina ede samampa. Co'opu cua-cua ndaina dou ede katantuna ne'e ndaina.

Roma 15:6 Kai savua ade nggomizoho sara'ana sama-sama loa roi ra wadi Ruma Hatalla, Ama Ruma ndaita Ruma Isa Al Masih.

1 Korintus 1:10 Cina ra angi! Kai ngara Ruma ndaita Ruma Isa Al Masih, nahu maraho loakuzu nggomizoho sara'ana savua nggahi ra eli; vaiva wara mbi'a ra ncengga zi woha nggomizoho. Pavuapu nggomizoho kasavua weki, savua ade ro savua fiki rakananu.

1 Korintus 2:16 Ade Alkitab ratunti; "Couku ma vade fiki ra kananu Ruma? Ro couku maloa ngoa ra tei kataho Sia?" Ndaimpa ma ntau fiki ra kananu ma sama lavo Al Masih!

2 Korintus 7:7 Sanakai ade nami lai mpoana vara wa'ura mai la Titus, pala vara sia rau ngoana vuneku neo ade sia vara nggomizoho. Sia ngoana zi nami va one nggomizoho wancuku ne'e poda ademu eda angi lavo nahu; vara nggomizoho sinci ade zi ruku ra rawimu ntoina ro ake relamu horu nahu. Lampa rawi ede maka'ipi neo ade nahu wali.

2 Korintus 8:12 Nggara nggomizoho rela mbei, ndazi Ruma Hatalla natarimaku rambeimu ede kai dasa au ma wara zi ndaimu, laina kai dasa au madawara zi nggomizoho. (1 Kronika 28:9)

2 Korintus 9:2 Nahu vade nggomizoho maca'u bantu, ro nahu wa'ura kabangga-banggaku nggomizoho zi dou-dou zi Makedonia. Nggahi nahu zi siazoho, va one tampu'u mba'ana ma ulu cina ra angi zi Akhaya wa'ura sadia zimambei sumbanga. Ro kapoda ade nggomizoho wa'ura nanaha kapoda ade sarunde dou zi weki siazoho.

2 Korintus 13:11 Cumpukaina, cina ra angi, pavuapu nggomizoho neo ade, ro usahapu ndazi sampuruna. Tarima aopu samenana ngoa ra tei kataho va nahu. Pavuapu nggomizoho savua ade ro mori taho lavo lenga. Ruma Hatalla Mawancu meci ra ca'u ro makataho ede zimasama lavona nggomizoho.

Efesus 4:23 Pavuapu ade rafiki kananumu zi kavou sara'a.

Filipi 2:2-5 Cobapu nggomizoho poda-poda kasanamu ade nahu kai lampa rawi-lampa rawi ake: Mori kasavuapu ademu kai meci ra ca'umu ma sama, kai kananu ma sama ro kane'e ma sama. 3 Aina karawimu au-au vara rarundu va mapenti ndai kese, atao zi kasombokai weki. Pala ndakeku pavuapu cua-cua nggomizoho kai ka'awa weki wi'ikai dou makalai ncewi taho ntewi kaisi zi weki ndai. 4 Tio kavaepu au mapenti zi ru'u va dou makalai; aina ma penti zi ru'u va ndai mpoa. 2:5 Pavuapu nggomizoho fiki ra kananumu vune Ruma Isa Al Masih:

Filipi 4:2 Ama ncawaku la Euodia ro ama ncawaku la Sintike! Nahu maraho poda-poda loakuzu ama ncawazoho savua ade kai dou-dou ma sama imbi.

Filipi 4:7 Ndazi taho ra ntai razi Ruma Hatalla, ma wati zi loa ka'ao va manusia, zimasandaka ade ro kananumu ma wa'ura savua lavo Ruma Isa Al Masih. (Yesaya 26:3)

Kolose 3:12 Nggomizoho edezu ela Ruma Hatalla. Ruma Hatalla nameci ra ca'uku nggomizoho ro kazalena nggomizoho zimandazi ntau ndai-Na rakalaina. Vara ndedena nggomizoho pavuaku katadamu kasi ade, taho ade, awa weki, ntika nggahi ra eli, ro taha ade zi susa ra ncoki.

2 Tesalonika 2:2 Aina roci dahu atao darura ade vara warana haba va wa'ura raka ainaina mai mbalikai Ruma Isa. Kombisi haba ede ramaina tasavua nggahi rakarongga va Ruma, atao razi savua ngoa ra tei; atao loa ndazi wara ma nggahi va one nami parana tunti mavune ede zi ade savua sura nami mawara.

2 Timotius 1:7 Vara Roh rambei va Ruma Hatalla ru'u ndaita, laina Roh zimakandazi ndai dahu. Pala Roh Yehowah ede nakandaziku ndai tenggo, vini va meci ra ca'u ro loa pi'i ade.

Titus 2:6 Ndede rauku, ngoa ra tei katahopu dou-dou mambuipu to'i umuna loakuzu siazoho mandazi timba ra lemba.

Ibrani 8:10 Pala ake, akera sake ma zi ndawi-Ku lavo ela Israel zi ainaina-ainaina ma kento, nggahi Ruma: Nahu zimatoho wi'i hukum-Ku zi ade fiki ra kananu siazoho, ro matuntina zi ade siazoho. Nahu zimandazi Ruma Hatalla siazoho, ro siazoho zimandazi ela-Ku.

1 Petrus 1:13 Vara ndedena, pavuapu nggomizoho sadia ncau. Aina kabare ro ngena kapodapu zi bareka zimbeina zi nggomizoho wakatu Ruma Isa Al Masih maina peade.

1 Petrus 5:1-3 Nahu maraho zi dou-dou mana'ekai elamu loakuzu siazoho kade'e kavaena. Nahu tuntiku ake kai sama-sama mana'ekaina ro kai dou ma wa'ura eda mada susa ra ncoki Al Masih, ro zimavatu zikazese ra kantasa rau, nggara zese ra ntasa Al Masih zikatada zi manusia. Nahu maraho kai poda-poda Aina karawimu kai dou makuasa zi siazoho ra'imbikai zi nggomizoho, malaisi ndazipu conto ziru'va siazoho.

2 Petrus 3:1 Cina ra angi meci va nahu! Akeku sura nahu makazuakaina zi nggomizoho. Zi ade zua mbua sura ake, nahu ma'usaha katu'u kananu ma raso zi nggomizoho.

Yakobus 1:17 Sanikina rambei ma taho lavo hadia ma mpuruna ramaina ta saroga, rakalondo va Ruma Hatalla, Makandazina samenana ma taroa zi langi. Siara Ruma Hatalla mawati rungka weki, ro wati makamaina rindi au-au rau. (Ayub 23:13)

Wahyu 17:9 Zi ade lampu rawi ake pavuaku wara hikima ro loa ka'ao. Pidu mbua tuta ede edezu pidu mbua doro to'i; edezu doro to'i-doro to'i hizi dohokai dou siwe ede. Ro pidu mbua tuta ede rau edezu pidu sangaji:

Davae Kananu Alkitab - Bad Mind Scriptures

Markus 7:21 Vara ramaina ta zei, edezu ramaina ta zei ade, woko fiki ra kananu madavae ma kandazi dou karawi madavae, mpanga, hade dou, (Hizkiel 38:10)

Lukaa 12:29 Ndazi, aina daruramu ro dahu ademu mavoha auku zi ngaha ra nono va nggomizoho.

Kisah Rasu-Rasu 12:20 Herodes na'ipi podaku mbanina zi dou-dou Tirus ro Sidon. Vara ndedena siazoho sama-sama mai satandonia zi sia. Sarambakaina siazoho siwina la Blastus mana'ekai asi Herodes, ndazina sia horuna siazoho. Edempara siazoho lao satandonia Herodes, edempara rahona zi angikai, vara dana ra rasa siazoho namori zi ngaha ra nono razi dana ra rasa Herodes.

Kisah Rasu-Rasu 14:2 Pala dou-dou Yahudi ma wati ngawa imbi, nasazu'uku dou-dou malaina Yahudi, ndazi siazoho nakamaiku iha ade zi dou-dou ma imbi zi Ruma Isa.

Roma 1:28 Vara iu va manusia wati paraluna pata Ruma Hatalla, ndazi Ruma Hatalla naco'ompa fiki ra kananu siazoho ndazi iha, ndazina siazoho nakarawiku lampa rawi-lampa rawi mawati loa zi karawi.

Roma 8:6,7 Nggara fiki ra kananumu kuasakai va tabe'a manusia, ndazi nakamaiku made. Pala nggara fiki ra kananumu kuasakai va Roh Yehowah, ndazina edezu mori ro taho ra ntai lavo Ruma Hatalla. 7 Dou ma fiki ra kananuna kuasakai va tabe'a manusia, dou ede namusu angina lavo Ruma Hatalla; vara dou ede wati oko ro vatuna zi Hukum Yehowah, ro io romo sia wati loana oko ro vatunzi hukum Yehowah.

Roma 11:20 Ede nancihi romo. Pala siazoho zi paki vara siazoho wati imbina, sapodakaina nggomizoho zi tarima vara nggomizoho imbimu. Ndazi, aina ndazi sombomu nggomi vara ede; pala nggomizoho pavuapu iumu dahu.

2 Korintus 10:5 tulekai va nami cence ncihi ro ncorakaimu bente sombo ratu'u zimadaca'u ro loa ra tingi mavoha Ruma Hatalla. Taha va nami fiki ra kananu dou-dou ro ndawimu siazoho oko ro dahu zi Al Masih.

2 Korintus 11:3 Pala nahu dahu adeku fiki ra kananumu voha va goda zimawati to'a wali zi Al Masih, sama vune la Hawa ntoina hina va goda rau vara tipu va sawa.

Efesus 2:3 Ntoina sara'a ndaita sama rau vune siazoho; ndaita mori datu tabe'a manusia ndaita ro takarawi au ma kasana wea sarumbu ro fiki ra kananu ndaita. Aipu wakatu ede ndaita edezu dou-dou mavoha mbanikai va Ruma Hatalla rau, sama vune dou-dou makalai.

Efesus 4:17 Vara ndedena kai ngara Ruma, akeku zi nggahi va nahu lavo

kapodaku: ai walina mori vune dou-dou ma wati pata Ruma Hatalla, ro makananu ma lai-lai.

Kolose 1:21 Ntoina nggomizoho zo'o razi Ruma Hatalla. Nggomizoho madaca'u-Na vara ruku ra rawi ro fiki ra kananumu madavae. (Ibara 21:27; Hizkiel 23:17)

Kolose 2:18 Aina nggomizoho co'omu wekimu zi karugi va dou ma coro-coroka'awa weki ro ma nemba mala'eka-mala'eka. Dou ede nasombo kai fiki ra kananuna ma datu dunia ro nakabanggaku weki ra'eda madana rakarongga va Ruma malai ndaina, ndazina watizu nenti walina zi Al Masih ma ndazi mana'ekaina.

1 Tesalonika 5:14 Nami maraho rau, cina ra angi, rojo katahopu dou ma wati ngawa karawi; kaupu kalembo ade zi dou ma dahu; bantupu dou ma paralu zi bantu ro sabakaipu zi sara'ana dou.

2 Tesalonika 2:2 Aina roci dahu atao darura ade vara warana haba va wa'ura raka ainaina mai mbalikai Ruma Isa. Kombisi haba ede ramaina tasavua nggahi rakarongga va Ruma, atao razi savua ngoa ra tei; atao loa ndazi wara ma nggahi va one nami parana tunti mavune ede zi ade savua sura nami mawara.

1 Timotius 6:5 ro ngango ra ngora ma wati cumpu-cumpuna. Lampa fiki ra kananu dou-dou ede wa'ura mpula ro watizu ncihina. Kacai va siazoho loa ndazi ntau ra wara razi agama.

2 Timotius 3:8 Vunesi la Yanes ro la Yambres aona la Musa ntoina, ndede rauku dou-dou ede aona ngoa ra tei razi Ruma Hatalla. Fiki ra kananu siazoho wa'ura iha, ro imbi ma poda siazoho nawa'ura tumpu.

Titus 1:15 Samenana mawara edezu raso ziru'u va dou-dou ma raso. Pala ziru'u va dou-dou ma ntau kananu masampu ro ma wati ntau imbi, wati kone wara au-au ma raso, vara kananu ro ade mpida siazoho wa'ura sampu!

Ibrani 12:3 Coba kananupu vuneku ncokina Ruma Isa ncao tando angina lavo dou-dou madosa ma ao-Na kai ndede kapilina ade! Vara ndedena aina kato'i ade ro kompo kananu.

Yakobus 1:7/8 Dou vune ede wati midi kananuna; sia wati loana weha nggahi ra eli cumpukai zi ade sara'ana au-au rakarawina. Vara ndedena ai rauna sia ne'ena raka au-au zi Ruma.